

furcatis constante canescens, rhizomate indurato nudo cæspitoso, foliis omnibus radicalibus lanceolatis obtusiusculè et irregulariter dentatis crispulis in petiolum attenuatis, scapis simplicibus vel imâ basi divaricatim furcatis supernè squamulis pluribus lineari-setaceis obsitis sub capitulo subincrassatis, involucri phyllis ab exterioribus subpatulis ad intima sensim elongatis acutis margine densè et tenuissimè sub lente albo-ciliolatis cæterùm glabris glaucis, ligulis concoloribus corollæ tubo æquilongis, acheniis cylindricis supernè subattenuatis muriculatis pappo eis paulò breviori superatis, setis pappi omnibus a basi plumosis exterioribus paulò brevioribus.

Hab. in *Libano* suprâ Cedros. (Boiss.)

Planta semipedalis, folia 1-2 lineas longa 4-5 lin. lata. A *L. saxatili* distinctum foliis tantùm dentatis, indumento magis canescenti, involucri phyllis præter ciliola marginalia brevissimis glabris etc. *L. asperum* differt ciliis phyllorum multò validioribus nec pruinæformibus, pilosque totius plantæ sparsos multò majores habet.

LEONTODON KOTSCHYI Boiss. in Kotsch. pl. Pers. bor. 1846.

L. perenne cæspitosum totum pilis brevissimis stellatis densè obsitum pannosum canescens, foliis omnibus radicalibus angustè lanceolatis in petiolum attenuatis remotè et acutè dentatis, caulibus scapiformibus simplicibus vel ramo auctis parcissimè squamulosis sub capitulo incrassatis, involucri phyllis margine et secùs lineam mediam brevissimè stellato-puberulis cæterùm glabris omnibus adpressis imbricatis ab infimis brevissimis ad intima lanceolato-linearibus sensim auctis, ligulis concoloribus basi pilosis tubo æquilongis, acheniis...

Hab. in monte *Demawend* alt. 6600'. Kotsch. N° 341.

Folia 3-4 poll. longa, 4-5 lin. lata, scapi 7-8 pollicares. Hanc speciem quoad achenia ignotam dubitanter propono; *L. Libanotico* imprimis affinis ab eo differt scapis erectis, phyllis involucri regulariùs imbricatis elongatis adpressis, foliis remotè dentatis. Ob phylla latiuscula regulariter imbricata *L. asperimum* cæterùm diversissimum refert.

LEONTODON OXYLEPIS Boiss. et Heldr.

L. totum pilis brevissimis stellatim furcatis canescens asperulum, rhizomate indurato ramoso cæspitoso, foliis lanceolatis elongatis in petiolum longum attenuatis remotè et acutè dentatis acutis omnibus

radicalibus, caulibus scapiformibus simplicibus vel rariùs supernè bifurcis foliis subsesquilongioribus parcè setaceo-squamulosis sub capitulo incrassatis, involucri phyllis ab exterioribus patulis ad intima sensim auctis omnibus longè setaceo-acuminatis undiquè pilis densis brevibus furcatis obsitis, ligulis concoloribus tubo longioribus, acheniis cylindricis supernè subattenuatis aculeolatis pappo albo eis subbreviori terminatis, pappi setis omnibus a basi plumosis exterioribus brevioribus.

L. biscutellæfolium in pl. Heldr. Anat. 1846. non. DC.

Hab. in rupestribus Pisidiæ propè *Tcheltickchi*, Maio. (Heldr.)

Folia cum petiolo 8-9 poll. longa 6-9 lin. lata, scapi 12-14 pollicares, capitula magnitudinis eorum *L. asperi*. Affine *L. Græco* et *aspero* facile distinguitur foliis elongatis breviter et remotè dentatis et imprimis involucri phyllis longè et tenuissimè acuminatis.

LEONTODON DIVARICATUM Boiss.

L. perenne totum indumento densissimo pilis apice stellatis constanti canum pannosum asperulum, caulibus flexuosis a basi 2-4 ramos edentibus ad dichotomias foliosis, ramis divaricatis flexuosis monocephalis parcè et brevissimè squamosis sub capitulo incrassatis et valdè asperis, foliis lanceolatis inferioribus in petiolum attenuatis remotissimè et acutè 2-3 dentatis caulinis integris, involucri phyllis pilis stellatis inordinatim asperulis adpressiusculis ab infimis brevibus ad intima lanceolato-linearibus sensim elongatis, ligulis concoloribus basi pilosis tubo subæquilongis, acheniis apice subattenuatis muriculatis pappo albo eis sublongiori terminatis, setis pappi omnibus a basi plumosis.

Hab. in Tauro *Ciliciæ* Kotschy, N° 324.

Cæspitosum? Caules subpedales, rami 4-5 poll. longi, folia inferiora semipedalia 5-6 lin. lata, capitulum magnit. ejus *L. asperi*. Species a præcedentibus distincta indumento densiori pannoso, caulibus ramosi ramis divaricatis, acheniis abbreviatis. — Species *Leontodontis* hîc descriptæ characteribus forsan nimis lævibus distinguuntur, sed æquo jure ac plurimæ generis naturalissimi admittendæ sunt donec saltem observationes posteriores inter eas intermedia occurrere nos docuerint.

SCORZONERA MULTISCAPA Boiss. (Sect. *Euscorzoneræ*.)

Sc. radice fusiformi verticali, collo nudo, foliis omnibus radicalibus